

Gielddaráđđehus

Áigi 10.11.2025 dmu 11:00 - 12:25

Báiki Hybridačoahkkín, gielddadálu váldostivrasále dahje teams-heivehus

Giedahallon áššit

§	Bajilčála	Siidu
§ 195	Čoahkkima lágalašvuohta ja mearridanváldi	3
§ 196	Beavdegirjji dárkkisteaddjiid válljen	4
§ 197	Čoahkkima bargoortnega dohkkeheapmi	5
§ 198	Dili birra oanehaččat	6
§ 199	Ruhtadili birra oanehaččat	7
§ 200	Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	8
§ 201	Lappi buresveadjinguovllu cealkámušbivdda sosiála- ja dearvasvuođabálvalusaid bálvalanfierpmi nuppástusain	9
§ 202	Cealkámušbivdda Ohcejoga Geavunjárggas (Kevonniemi) erenomážit suodjaluvvon šlája eallinbirrasa ráddjemis	10
§ 203	Ovddidanjođiheaddji virggi deavdin	11
§ 204	Oahppoloatnabuhtadusa miedihaneavttut	13
§ 205	Evttohus gieldda oassálastis guovlluguovdasaš eatnanbealuštangursii	15
§ 206	Doaibmaorgánaid mearrádusat	16
§ 207	Áššit diehtun	17
§ 208	Oktasašbargoprojekta Sámi ealáhus- ja guorahallanguovddáš SEG:iin	18
§ 209	Gáiddusbargorávvaga dohkkeheapmi	20

Oasseváldit

	Namma	Doaibma	Lassedieđut
Mielde	Tieva-Niittyvuopio Vuokko	ságadoalli	
	Tapiola Sari	lahttu	
	Hekkanen Eemeli	lahttu	
	Länsman Vesa	lahttu	
	Rasmussen Riikka	lahttu	
	Konttinen Pirjo	várrelahttu	
	Kontio Oskari	várrelahttu	
	Aikio Mika	váldostivrra ságadoalli	
	Guttorm Väinö	váldostivrra I	
		várreságadoalli	
	Nordberg Aulis	váldostivrra II	
		várreságadoalli	
Eret	Moilanen Mateusz		
	Länsman Lávra		
	Niittyvuopio-Valle Laura		
	Länsman Nilla-Pekka		
	Lukkari Sammol		
	Guttorm Urho		
	Heikurainen Laura		
Eará	Kontio Päivi	gielddahoavda	
	Länsman Marja	beavdegirjedoalli	
	Orti-Berg Riitta	tulka	

Vuolláičállosat

	Vuokko Tieva-Niittyvuopio ságadoalli	Marja Länsman beavdegirjedoalli
--	---	------------------------------------

Giedahallon áššit 195 - 209

Beavdegirji dárkkisteapmi Ohcejogas 10.11.2025

Sari Tapiola beavdegirjedárkkisteaddji	Eemeli Hekkanen beavdegirjedárkkisteaddji
---	--

Beavdegirji dollojuvvo albmosis

Gielddadállu, guovddášdoaimmahat 17.11.2025

Minna Lukkari
almmuhantávvala dikšu

Gielddaráđdehus

§ 195

10.11.2025

Čoahkkima lágalašvuohta ja mearridanváldi

Gr 10.11.2025 § 195

Mearrádusevttohus Gávnnahuvvo, ahte čoahkkin lea lágalaččat čoahkkái bovdejuvvon ja mearridanválddáš.

Mearrádus Gávnnahuvvui, ahte čoahkkin lea lágalaččat čoahkkái bovdejuvvon ja mearridanválddáš.

Gielddaráđdehus

§ 196

10.11.2025

Beavdegirji dárkkisteaddjiid válljen

Gr 10.11.2025 § 196

Mearrádusevttohus

Válljet čoahkkimii guokte beavdegirjedárkkisteaddji.

Mearrádus

Beavdegirjedárkkisteaddjin válljejuvvuiga Sari Tapiola ja Eemeli Hekkanen.

Gielddaráđdehus

§ 197

10.11.2025

Čoahkkima bargoortnega dohkkeheapmi

Gr 10.11.2025 § 197

Mearrádusevttohus

Gielddaráđdehus dohkkeha áššiid gieđahallanortnega čoahkkima áššelisttu mielde.

Mearrádus

Ságadoalli evttohii, ahte lasseáššin gieđahallojit Oktasašbargoprojeakta Sámi ealáhus- ja guorahallanguovddáš SEG:iin ja Gáiddusbargorávva dohkkeheapmi.

Gieđahallanortnet dohkkehuvvui áššelisttu mielde ja dasa lasihuvvojedje lasseáššit ságadoalli evttohusa mielde.

.

Gielddaráđdehus

§ 198

10.11.2025

Dili birra oanehaččat

Gr 10.11.2025 § 198

Gielddahoavda muitala áigeguovdilis áššiid birra oanehaččat

Mearrádusevttohus

Merkejuvvojit diehtun.

Mearrádus

Gielddahoavda muitalii áigeguovdilis áššiid birra oanehaččat:

- Øst-Finnmark Avfallsselskap ANS:a (Öfas) dili geahčadeapmi
- Lappi buresveadjinguovlu, ovdduidgohcin
- Lapland North Destinations, ráđđádallan doaibmamáliid birra
- Kárášjoga ja Deanu gieldda ovddasteaddjiid galledeapmi
- Vuodjanhálla sávdne- ja molssodanlanjaid divvunagoarta
- Gielddainšenevra álggaha virggis 5.12.
- Álttá konfereanssa máhcahat

Merkejuvvojedje diehtun.

Gielddaráđđehus

§ 199

10.11.2025

Ruhtadili birra oanehaččat

Gr 10.11.2025 § 199

Mearrádusevttohus Gullat oanehaččat ruhtadili birra.

Mearrádus Gielddahoavda mitalii oanehaččat ruhtadili birra.
Merkejuvvui diehtun.

Gielddaráđdehus

§ 200

10.11.2025

**Gávpenannejeaddji giddodatluohpadanalmmuhusat ja gielda
ovdaoastinvuoigatvuoda geavaheapmi**

Gr 10.11.2025 § 200

Gildii leat bohtán 5 st gávpenannejeaddji
giddodatluohpadanalmmuhusa, listu
giddodatluohpadanalmmuhusain lea siidomateriálan.
Giddodatluohpadanalmmuhusat leat oaidninláhka čeahkkimis.

Ovdaoastinlága mielde ovdaoastinvuoigatvuoda geavahettiin
mearrádussii ožžot oasti ja vuovdi ohcat nuppástusa ja váidit
hálddahušiektái.

Gielda mearrádussii leat geavatkeahhtá
ovdaoastinvuoigatvuoda ii oaččo ohcat nuppástusa váidimiin.

Mearrádusevttohus

Gielddaráđdehus merke diehtun gávpenannejeaddjiid
giddodatluohpadanalmmuhusaid ja mearrida, ahte gielda ii
geavat ovdaoastinvuoigatvuoda báikkiide, mat gullet gávpái.

Mearrádus

Evttohus dohkkehuvvui.

Gielddaráđđehus

§ 201

10.11.2025

Lappi buresveadjinguovllu cealkámušbivdda sosiála- ja dearvvasvuodábálvalusaid bálvalanfierpmi nuppástusain

Gr 10.11.2025 § 201
171/00.04.02/2025

Lappi buresveadjinguovllu guovlluráđđehus dohkkehii 21.10.2025 sosiála- ja dearvvasvuodábálvalusaid bálvalusfierbmi rievdadusaid plána vuodđun gulaskuddamii ja gieđahallamii ovttasdoaibmanmeannudeamis.

Lappi buresbirgenguovlu várre ovttasbargobeliide ja čanasjoavkkuide sihke buresveadjinguovllu doaibmaorgánaide vejolašvuoda addit cealkámuša 21.11.2025 rádjai bálvalusfierpmádaga rievdadusaid válmmaštallama várás siidomateriálan leahkki cealkámušhápmosis sosiála- ja dearvvasvuodábálvalusaid bálvalusfierpmádaga rievdadusaid guoskevaš plánas.

Áššemeannudeaddji Gielddahoavda Päivi Kontio

Mearrádusevttohus Gielddaráđđehus dohkkeha cealkámušhápmosa.

Mearrádus Evttohus dohkkehuvvui.

Gielddaráđđehus

§ 202

10.11.2025

Cealkámušbivdda Ohcejoga Geavunjárggas (Kevonniemi) erenomážit suodjaluvvon šlája eallinbirrasa ráddjemis

Gr 10.11.2025 § 202
172/00.04.01/2025

Ohcejoga Geavunjárgga guovllus, Geavu dutkanstašuvnna smávva sátkko čáhcegáddesteallis, lea áican leat luonddusuodjaleami dáfus mávssolaš luonddubáiki mas šaddá hui áitatvuloš sámilšládja, davvediehppesámil (*Meesia hexasticka*). Šládja gávdnojuvvui álgoálggus jo 1960-logus. Šlája dilli lea kártejuvvon dán báikkis dárkileappot jagis 2014 ja dan figget geahčadit maiddái čakčat 2025.

Lappi ELY-guovddáš válmmaštallá erenomážit suodjaluvvon šlájaid gávnusbáikki rájáid mearrideami luonddusuodjalanlága 77 § mieldásaš mearrádusain.

Lappi Ely-guovddáš bivdá Ohcejoga gielddas cealkámuša ráddjenhápmosis erenomážit dakkár vánddardangeinnodagain, mat juo gávdnojit, ja eará eanangeavahanplánemiid birra. Cealkámuš bivdojuvvo addot 17.11.2025 rádjai. Cealkámušbivdda ja ráddjenhámus leat siidomateriálan.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus dohkkeha cealkámušhápmosa.

Mearrádus

Evttohus dohkkehuvvui.

Ovddidanjođiheaddji virggi deavdin

Gr 10.11.2025 § 203
175/01.01.00.01/2025

Nuppástusráđđádallamiid boađusin Ohcejoga gielddas lea mearriduvvon vuodđudit ovddidanjođiheaddji virgi ja heaittihuvvot eallinfápmohoavdda ja giddodathoavdda virggit. Eallinfápmo- ja teknikalaš doaibmasuorgi ea mearriduvvon ovttahtahttojuvvot ovddidan- ja birasdoaibman (Váld 29.08.2025 § 55).

Virgehálddašeaddjilága 37 § 1 momeantta mielde "virgegaskavuoda sáhtta eretcealkit, go virgehálddašeaddji barggut leat geahppánan mearkkašahtti ollu ja bissovaččat ekonomalaš sivaiddihte, bargoaddi dahje áššáigullelaš ovttaga bargguid ođđasit ordnema dihte dahje eará daidda veardásaš sivaiddihte. Eretcealkin eaktuda lassin, ahte virgehálddašeaddji ii sáhte ámmátdáiddu ja návccaidis vuodul govttolaččat bidjat nuppi virgegaskavuhtii dahje váldit dakkár bargogaskavuhtii, man barggut eai mearkkašahtti ollu spiehkkaš virgehálddašeaddji bargguin, dahje skuvlet ođđa bargguide." Ovdalis máinnašuvvon mielde fállujuvvo ovddidanjođiheaddji virgi dálá eallinfápmohovdii čuovvovaš bargogova mielde.

Ovddidanjođiheaddji vástusuorgin leat ovddidan- ja birasdoaibmasuorggi jođihepmi, doaibmasuorggi hovdenbarggut ja ovddasvástádus ruhtadoalus. Ovddidanjođiheaddji virggi dikšun gáibida mánggabealat ealáhusdoaimmaid ja fitnodatdoaimmaid dovdam ja/dahje teknikalaš doaimma dovdam mii sisttisdoallá nu giddodagaid bajásdoallama plánema, gilvalahttima ja čorgemii gullelaš áššiid organiserema. Dasa lassin ovddidanjođiheaddji bargui gullá plánat iešguđetlágan gieldda eallinvuoimmi doarju ovddidanprojeavttaid sihke oktii heivehit omd. čuvgehusdoaimmain ja projeavttaid ollašuhttin ja čuovvun. Bargui gullá maid sihkarastit joatkkadoaimmaid gieldda organisašuvnnas dan maŋŋa go projeakta lea loahpahuovvon, ovdánahttit guovllu- ja gielddasuorggi márkanfievrrideami, organiseret fitnodatrávvema ja eará doaimmat mat gullet gieldda ovdánahttin- ja birasdoaimmii.

Ovddidanjođiheaddjis gáibiduvvo bargui heivvolaš bajit allaskuvladutkkus ja praktihkalaš hárjánupmi ovddasvástádussuorggi doaibmaguvlui gullelaš bargguin. Barggu ceavzilis dikšun eaktuda geavatlaččat čájehuvvon jođihan- ja ovttašbargodáidduid. Ovddidanjođiheaddjis gáibiduvvo positiivvalaš doaladupmi ja hárjánupmi ovttašbarggus ealáhuseallima doaibmiiguin ja maid hálo ovddidit ja gávdnat ođđa innovatiiva čovdosiid gieldda ovddideapmái viidát. Ovddidanjođiheaddji lea

Gielddaráđđehus

§ 203

10.11.2025

stivrenjoavkku lahttu. Sámegiella gehččojuvvo erenomáš ánsun. Ovddidanjođiheaddji virggis lea vejolašvuohta muhtimassii bargat gáiddusin. Virggis čuvvojuvvo gieldasuorggi dábálaš virge- ja bargoeaktosoahpamuša. Bálká lea 5 700€.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus mearrida fállat ovddidanjođiheaddji virggi eallinfápmohoavda Tanja Lepistöi válmmaštallama mielde.

Mearrádus

Evttohus dohkkehuvvui.

Gielddaráđdehus
Gielddaráđdehus

§ 143
§ 204

18.08.2025
10.11.2025

Oahppoloatnabuhtadusa miedihaneavttut

Gr 18.08.2025 § 143

Davvi-Lappi guovloovttasbarggu gieldaovttastupmi ja Meri-Lapin Kehittämiskeskus ry guđde cuoŋománu bušeahta beallemuttučuoldimii evttohusa guovlluguovdasaš oahppoloatnabuhtadusas. Projeakta ii ovdánan bušeahta beallemuttučuoldimis iige leat oaidnimis, ahte dat ollašuhthtošii maiddái oassin Davi prográmmage.

Davvi-Lappi guovloovttasbarggu gieldaovttastupmi lea válmmaštallan oahppoloana buhtadusiskkadallama ovttas Davvi- ja Nuorta-Lappi barggolašvuodaguovlohoavddain giđa áigge. Válmmaštallamis lea ávkkástallon maid Nuorta-Suoma universitehta ovdalis dahkan čielggadanbargguin sihke Norgga stáhtahálddahusa vástideaddji málliin.

Davvi-Lappi guovloovttasbarggu gieldaovttastumi stivra mearridii čoahkkimisttis 2.7.2025, ahte stivra álggaha gieldaovttastumi oahppoloana buhtadusiskkadallama ja doalvu dan ain lahttogielddaide mearridanláhkai.

Oahppoloatnabuhtadusiskkadallama dárkilut čilgehus siidomateriálan.

Áššemeannudeaddji

Gielddahoavda Päivi Kontio

Mearrádusevttohus

Ohcejoga gielda mearrida vuolgit ollašuhthtit oahppoloatnabuhtadusiskkadallama golmma jagi mearreáigásaš iskkadallanáigodagain 2026-2028.

Mearrádus

Davvi-Lappi guovloovttasbarggu gieldaovttastumi doaibmajodiheddji Reija Viinanen ovdanbuvttii ášši válmmaštallama gielddaráđdehusa lahtuide.

Evttohus dohkkehuvvui.

Gr 10.11.2025 § 204
131/00.04.01/2025

Davvi-Lappi guovloovttasbarggu gieldaovttastupmi "Plaky" lea mearridan álggahit guovlluguovdasaš

Gielddaráđđehus
Gielddaráđđehus

§ 143
§ 204

18.08.2025
10.11.2025

oahppoloatnabuhtadusiskkadallama. Lahttogielddaid gielddaráđđehusat leat giedahallan ášši čavčča áigge. Oahppoloatnabuhtadusiskkadallama guovlluguovdasaš eavttuid bokte meroštallojit buhtadusa oaččut iskkadallama 3-jagi (2026-2028) ollašuhttima áigge. Ulbmilin lea čeahpes bargiid ja ođđa olbmuid fidnen ásaiduvvat gildii. Plaky gieldaovttastumi stivrra lea dohkkehan čoahkkimisttis 22.10.2025 oahppoloana guovlluguovdasaš eavttuid. Oahppoloatnabuhtadusa guovlluguovdasaš eavttut leat siidomateriálan.

Áššemeannudeaddji

Gielddahoavda Päivi Kontio

Mearrádusevttohus

Gielddaráđđehus dohkkeha oahppoloana guovlluguovdasaš eavttuid. Gielddaráđđehus nammada Ohcejoga gieldda ovddasteaddjin projeavtta stivren- ja čuovvunjovkui buresveadjinhoavda Pirjo Seurujärvi.

Mearrádus

Evttohus dohkkehuvvui.

Gielddaráđdehus

§ 205

10.11.2025

Evttohus gieldda oassálastis guovlluguovdasaš eatnanbealuštangursii

Gr 10.11.2025 § 205

170/00.04.00/2025

Lappi guovlohálddahušdoaimmahat lágida ovttasbarggus Jágár-brigát Lappi guovlluguovdasaš eatnanbealuštangurssa nr 60 Lappi guovllus vahkus 44 (26.-30.10.2026). Gursabáiki mearriduvvo maŋnelis ja gielddaide almmuhuvvo álgogiđa 2026.

Lappi guovlohálddahušdoaimmahat bivdá gieldda almmuhit gursii oassálasti nama 17.11.2025 rádjai. Bivdda lea siidomateriálan.

Áššemeannudeaddji Gielddahoavda Päivi Kontio

Mearrádusevttohus Gielddaráđdehus evttoha Lapin guovlluhálddahušdoaimmahakii, ahte guovlluguovdasaš eatnanbealuštangursii oassálastá gulahallankordináhtor Suvi Spoof.

Mearrádus Evttohus dohkkehuvvui.

Gielddaráđdehus

§ 206

10.11.2025

Doaibmaorgánaid mearrádusat

Gr 10.11.2025 § 206

Lávdegottiid beavdegirjiit galget doaimmahuvvot gielddahovdii njealji beaivvi geažes beavdegirjji dárkkisteamis. Gielddaráđdehusas lea váldinvuoigatvuohta lávdegottiid, iežas juhkosa ja vuollásaš stivrra ja virgehálddašeaddji mearrádusaide. Váldinmearrádusa sáhtta dahkat gielddaráđdehus dahje dan ságadoalli, gielddahoavda dahje stivrennjuolggadusas mearriduvvon virgehálddašeaddji. Váldinvuoigatvuođa galgá geavahit maŋimustá njulgengáibádusáiggi siste. Geavatlaččat gielddahoavda dárkkista lávdegottiid mearrádusaid. Go gielddaráđdehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjiit diehtun ja seammás mearriduvvo, ahte váldinvuoigatvuohta ii geavahuvvo beavdegirjiid sisdollui gullelaš áššiin. Beavdegirjiid kopijiat eai laktojuvvo gielddaráđdehusa beavdegirjái, muhto dat galget leat lahtuid geavahusas gielddaráđdehusa čoahkkimiin.

Čuovvovaš doaibmaorgánaid beavdegirjiit leat oaidnin láhkai čoahkkinbáikkis: Eallinfápmo- ja teknihkalaš lávdegoddi 7.11.2025.

Mearrádusevttohus

Gielddaráđdehus merke diehtun doaibmaorgánaid mearrádusaid ja gávnaha, ahte GieldaL 51 § váldinvuoigatvuohta ii leat geavahuvvon.

Mearrádus

Evttohus dohkkehuvvui.

Gielddaráđdehus

§ 207

10.11.2025

Áššit diehtun

Gr 10.11.2025 § 207

Mearrádusevttohus	Váldostivra merke diehtun čuovvovaš áššebáhpáriid:
Anára gielda	- Lahtuid nammadeapmi teknikkalaš lávdegotti vuollásaš birasjuhkossii doaibmabadjái 1.6.2025-31.5.2029
Lappi guovllustivra	- Guovllustivra dohkkehii bálvalusfierbmeárvalusevttohusa - Guovllustivrra čoahkkindieđáhus 20.10.2025
Davvi-Lappi guovloovttasbarggu gieldaovttastumi doaibma	- Beavdegirjeválddus 22.10.2025 § 4, Davvi-Lappi guovlluguovdasaš oahppoloatnabuhtadusiskkadallan
Olgoriikkaministeriija	- EN; Rápmaoktasašsoahpamuš našuvnnalaš unnitloguid suodjalusa birra; ministtarkomitea cealkámuš Suoma birra
Mearrádus	Merkejuvvojedje diehtun.

Oktasašbargoprojekta Sámi ealáhus- ja guorahallanguovddáš SEG:iin

Gr 10.11.2025 § 208
173/00.01.05/2025

Ohcejohka lea Suoma áidna sámeeanetlogu gielda, ja dát sajádat leamašan jahkelogiid gieldda nanusvuohta ja identitehta vuoddu. Dál dát sajádat lea goit vára vuolde. Suomas ii sáhte statistihkket veahkadaga čearddalašvuođa vuodul, muhto sámegielatvuođa ovdáneami sáhtá čuovvut. Vuoigatvuoðaministeriija almmustahttin Sámi barometra (2024) čujuha, ahte sámegielat veahkadaga geahppáneapmi leamašan eanemus aiddo Ohcejogas, oktiibuot sullii 20 proseantta gávccii jagi áigge. Dát joðanis geahppáneapmi muitala das, ahte sámegiella ja dan geavaheapmi árggas leat hedjoneamen, mii gáibida gielddas mearrediðolaš doaibmabijuid, vai giela ja kultuvrra eallinfámu sáhtá dorvvastit.

Sámi ealáhus- ja guorahallanguovddáš (SEG) Deatnu dikšu Deanu giellaguovddáša hálldahusa ja evttoha dál projeavtta, man ulbmilin lea nannet ovttasbarggu Deanu giellaguovddáša ja Ohcejoga gieldda gaskkas.

Projeavtta oðđa ja guovddáš iešvuohkin livččii dahkujierbmevuðot giellateknologiijain ávkkástallan sámegiela nannemis, oahpahusas ja beaivválaš geavaheamis. Ulbmilin lea hutkat oðđa rusttegiid ja metodaidda, mainna dahkujierbmi sáhtá doarjut giela ealáskahttima ja sámegielat oahpahusa nu skuvllain go gáiddusoahppanbirrasiin.

SEG evttohus lea guovtteoasat:

1. Vuosttas muttus SEG ohcá ruhtadeami Barents čállingottis ovdaprojektii, man ulbmilin lea válmmaštallat rájaid rasttildeaddji Interreg Sápmi -projeavtta. Dán muttus gielda doaimmašii projeavtta bargoguoibmin, muhto dan oassálastin livččii golloneutrála, dasgo gieldda oasi sáhtášii gokčat bargoveaga bargguin (ovdamearkka dihte čuvgehusdoaimma virgeolbmuid oassálastimiin).
2. Nuppi muttus Barents čállingotti ruhtademiin plánejuvvo ja gárvvistuvvo 2,5-jagát Interreg Sápmi -projekta, man ohcamuš doaimmahuvvo njukčamánu álggus 2026. Ieš projektabaji ollašuhttin livččii sullii 1.7.2026–31.12.2028.

Norggas lea Duohtavuodá- ja soabadankomišuvnna raportta (2023) maŋŋá lasihuvvon giellaguovddážiid ruhtadeapmi oassin giellaealáskahttima nannema. SEG intreassain lea bargat ovttas maid Ohcejoga gielddain sámegiela ja kultuvrra nannema ovdii oppa Deanuleagi guovllus.

Projeavtta ávkkit Ohcejoga gildii:

Gielddaráđđehus

§ 208

10.11.2025

- Sámegiela nannen: Gielda oččošii projeavtta bokte oktasašbargofierpmádagaid ja vejolašvuodaid leat oassin viidásut sámi giellateknologiiija oppalašvuoda. Sámegiella nanosmuvvá gielddas.
- Sámelogahaga doarjun: Projeakta attášii vejolašvuoda hukset Ohcejoga sámelogahagas bálggesčuolli dahkujierbmevuđot giellateknologiiijaid ávkkástallin ja geavaheaddjibeali ovddideaddjin.
- Gáiddusoahpahusa nannen: Gieldda koordineren gáiddusoahpahusprojeakta oččošii odđa ráđiid ja sisdoaluid sámegielaid oahpahusa doarjjan.
- Strategalaš oainnusvuohta ja geasuhus: Ohcejohka profilerejuvvo projeavttas mállegieldan, mas sámegiella ja modeardna teknologiija ovtastuvvet sámegiela ovddideami gaskoapmin.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus mearrida, ahte Ohcejoga gielda vuolgá mielde projektii. Projeakta biddjojuvvo čuvgehusdoaimma vuollái.

Mearrádus

Evttohus dohkkehuvvui.

Gielddaráđđehus

§ 209

10.11.2025

Gáiddusbargorávva dohkkeheapmi

Gr 10.11.2025 § 209
176/00.01.02.00/2025

Gáiddusbargu lea vuohki organiseret barggu nu, ahte dat dahkko eará sajis go bargoaddi doaibmasajiin, ovdamearkka dihte ruovttus. Gáiddusbargguin lea háliduvvon lasihit njuovžilvuoda bargoordnemiidda, lasihit barggu buvttadanmuni sihke buoridit bargoburesveadjima. Dat dahká vejolažžan seammás barggu ja bearašeallima njuovžilut oktiiheiveheami.

Gáiddusbargorávvas meroštallojit gáiddusbarggus soahpama ja gáiddusbarggu dahkama eavttut. Rávvas meroštallo ee. Gáiddusbargobeivviid stuorámus vejolaš mearri / prosentála ossodat, vai dárbbuid deavdi bargosearvvušdeaivideamit sihke lagašbálvalusat sihkkarastojuvvojit. Gáiddusbargorávva hámus ovdanbukto čoahkkimis.

Hoavda árvvoštallá, maidda bargguide gáiddusbargu heive. Gáiddusbargoordnemiin galgá váldit vuhtii gáiddusbarggu váikkuhusaid daid bargiid bargui geat barget bargoaddi sajiin, ovttasbargui bargobáikkis, áššehasbálvalussii ja eará doibmii, sihke fuolahit bargiid ovttaveardásaš ja ovttalágan meannudeamis.

Gáiddusbarggus galgá álo soahpat bargoaddi ja bargi gaskkas. Jeavddalaš gáiddusbarggus dahkkojuvvo bargiin gáiddusbargosoahpamuš.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus ságastallá gáiddusbargorávva eavttuin.

Mearrádus

Gielddaráđđehus ságastalai gáiddusbargorávva eavttuin. Gáiddusbargoráva buktujuvvo dohkkeheami várás juovlamánu gielddaráđđehusa čoahkkimii oassin gieldda bargoveahkarávva.

Nuppástusohcanráva guoská paragrafaid: § 195, § 196, § 197, § 198, § 199, § 201, § 202, § 205, § 206, § 207, § 209

NUPPÁSTUSOHCANGIELDU

Dán mearrádusas ii oaččo dahkat vuigengáibádusa iige gielddaváidaga, dasgo mearrádus guoská

- gielдалáга 136 § mielde dušše válmmaštallama dahje ollašuhhtima
- bargo- dahje virgeeaktosoahpamuša dulkoma, heiveheami
- bargojodihan- ja bearráigeahččanvuoigatvuodá geavaheami

Nuppástusohcanráva guoská paragrafaid: § 200, § 203, § 204, § 208

VUIGENGÁIBÁDUSRÁVVAGAT

Dán mearrádussii duhtameahttun olmmoš sáhttá dahkat čálalaš vuigengáibádusa. Mearrádussii ii oaččo ohcat nuppástusa duopmostullui váidimiin.

Vuigengáibádusvuoigatvuohta

Vuigengáibádusa oažžu dahkat:

- dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha (*áššáiosolaš*), ja lassin
- gieldda lahttu.

Vuigengáibádusáigi

Vuigengáibádusa galgá dahkat 14 beaivve siste das, go lea ožžon mearrádusa diehtun.

Vuigengáibádusa galgá doaimmahit Ohcejoga gieldda registrerenkantuvrii mearreáiggi manimus beaivve ovdal go registrerenkantuvra giddejuvvo.

Gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, čieža beaivve geažes reivve sáddemis. Go geavahuvvo dábálaš elektrovnnalaš diehtunaddin, de gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, goalmát beaivve dieđu sáddemis.

Gehččojuvvo, ahte *gieldda lahttu* lea ožžon mearrádusas dieđu čieža beaivve geažes das, go beavdegirji lea leamašan oaidninláhkai almmolaš diehtofierpmis.

Diehtunoažžunbeaivi ii rehkenastojuvvo vuigengáibádusáigái. Jos njulgengáibádusáiggi manimus beaivi lea iehčanasvuođabeaivi, válborbeaivi, juovla- dahje jonssotruohtta dahje árgalávvardat, de njulgengáibádusa oažžu doaimmahit vuosttas árgabeaivve dan manjá.

Vuigengáibáduseiseváldi

Eiseváldi, gosa vuigengáibádus dahkkojuvvo, lea Ohcejoga gielddaráđdehus.

Registrerenkantuvrra oktavuodadieđut:

Poastačujuhus:	PL 41, 99981 UTSJOKI
Uksačujuhus:	Luossa 1 a, 99980 OHCEJOHKA
E-poasta:	kunnanvirasto@utsjoki.fi
Telefonnummir:	+358 40 188 6111

Registrerenkantuvra lea rabas vuossárggas bearjadahkii dii. 9.00 – 15.00.

Vuigengáibádusa hápmi ja sisdoallu

Vuigengáibádusa galgá dahkat čálalaččat. Maiddái elektrovnnalaš áššegirji deavdá čálalaš hámi gáibádusa.

Vuigengáibádusas galgá almmuhit:

- mearrádusa, masa ohcá vuigema
- man láhkai mearrádusa galgá vuiget
- maiguin ákkaiguin gáibida vuigema.

Vuigengáibádusas galgá lassin almmuhit dahkki nama, ruovttugieldda, boastačujuhusa ja telefonnummira.

Jos vuigengáibádusmearrádusa sáhhtá addit diehtun elektrovnnalaš diehtun, de bivdit almmuhit oktavuođadiehtun maiddái e-boastačujuhusa.

Beavdegirji

Mearrádusa guoskevaš beavdegirjji váldosiid ja mildosiid sáhhtá bivdit Ohcejoga gieldda registrerenkantuvrras.

Beavdegirji lea 17.11.2025 biddjon albmossii almmolaš diehtofierpmádahkii čujuhussii www.utsjoki.fi.